



XALQ DEPUTATLARI BALIQCHI TUMAN KENGASHI QARORI

2024 - yil 31 - yanvar

VI-42-9-1-18-K/24

Baliqchi tumani hokimligi

O‘zbekiston Respublikasi Bosh prokuraturasi huzuridagi Majburiy ijro byurosi Baliqchi tumani bo‘limi boshlig‘i D.O.Xusanovning 2023 yil davomidagi faoliyati yuzasidan hisoboti to‘g‘risida

O‘zbekiston Respublikasi Bosh prokuraturasi huzuridagi Majburiy ijro byurosi Baliqchi tumani bo‘limi tomonidan 2023 yil davomida O‘zbekiston Respublikasi Prezidentining 24.11.2020 yildagi “Sud hujjatlari va boshqa organlar hujjatlarini ijro etish tizimini yanada takomillashtirish chora-tadbirlari to‘g‘risida”gi 6118-sonli Farmonida belgilangan vazifalar ijrosi yuzasidan muayyan ishlar amalga oshirildi.

Xususan, 2023 yilda Byuroning Baliqchi tumani bo‘limi tomonidan jami 180 mlrd. so‘mlik ijro hujjatlarining ijrosi tamomlanib, shundan 117 mlrd. so‘mlik 11 mingta ijro hujjatlari amalga undirilishi ta‘minlandi.

Shuningdek, 40,5 mlrd. so‘mlik davlat, 48,4 mlrd. so‘mlik ho‘jalik yurituvchi sub’ektlar va 1,2 mlrd. so‘mlik fuqarolar foydasiga pul mablag‘i undirilishi ta‘minlandi.

Undiruvlarning ortishi o‘z navbatida fuqarolar, ho‘jalik yurituvchi sub’ektlar va davlat manfaatlariga ijobiy ta’sir ko‘rsatmoqda.

Shuningdek, soliq qarzini undirish bilan bog‘liq 1,5 mingta ijro ishlari bo‘yicha 35,8 mlrd. so‘m mablag‘ amalga undirilishiga erishilgan.

Jinoiy va ma‘muriy jarima undirish bilan bog‘liq 6 mingta ijro ishlari bo‘yicha 3 mlrd. so‘m undirishga erishildi.

O‘zbekiston Respublikasi Prezidentining 24.11.2020 yildagi “Sud hujjatlari va boshqa organlar hujjatlarini ijro etish tizimini yanada takomillashtirish chora-tadbirlari to‘g‘risida”gi PF-6118-sonli Farmonining 12-bandiga asosan 2020 yil 1 dekabrda boshlab, davlat foydasiga undiruvlar bilan bog‘liq 6 ta yo‘nalishdagi ijro

hujjatlari bo'yicha undirilgan mablag'larning 50 foizi ehtiyojmand aholini qo'llab-quvvatlash uchun joriy qilingan "Temir daftar", "Ayollar daftari" va "Yoshlar daftari"ga kiritilgan fuqarolarni qo'llab quvvatlash uchun yo'naltirilishi belgilangan.

Yangi tizim asosida 2020 yilning 1 dekabridan boshlab davlat foydasiga undiruvlarning muayyan qismini "Temir daftar", "Yoshlar daftari" va "Ayollar daftari" bo'yicha jamg'armalarga yo'naltirish amaliyoti yo'lga qo'yildi.

Shu asosda ijro hujjatlari bo'yicha 2023 yilda 6,4 mlrd. so'm mablag' ijtimoiy himoyaga olinib, maxsus daftarlarga kiritilgan fuqarolarni qo'llab-quvvatlash uchun o'tkazildi.

Yana bir dolzarb masala aliment undiruvlari bilan bog'liq ishlardir.

Jamiyatimizda oila qadriyatlariga yuzaki yondashish, er-xotinning o'zaro kelishmovchiliklari oqibatida ajrashib ketish holatlari yildan yilga o'sishi natijasida – alimentga oid ijro hujjatlari soni keskin ortmoqda.

Ayni vaqtda davlat ijrochilarining ish yurituvda qoldiqda bo'lgan 12 mingdan ortiq ijro hujjatlarining 1,6 mingtasi aliment masalasiga oid ishlarni tashkil qiladi.

Aliment undirish bilan bog'liq ijro hujjatlari yuzasidan aloqador tashkilotlar bilan oilalarni o'zaro yarashtirish borasidagi o'zaro xamkorlik natijasida, o'tgan yilning 12 oyi davomida 500 dan ortiq oilalar yarashtirildi.

Ishsiz aliment to'lovchilarni ish bilan ta'minlash borasida olib borilgan tadbirlar natijasida 326 nafar aliment to'lovchilar ishga joylashtirildi.

Davlat rahbarining Farmoni bilan joriy yilning 1 mart kunidan boshlab aliment majburiyatlari bajarilishini masofaviy monitoring qilish bo'yicha tizim yaratildi.

Yangi tartibga ko'ra, har bir aliment puli oluvchi fuqarolar nomiga tegishli bank kartasi rasmiylashtirish ishlari boshlandi va aliment pullari, qarzdorning ish haqidan undiruvchi nomiga ochilgan yangi plastik kartochkalarga orqali elektron tarzda yuborilmoqda.

Hozirda, tumanimizdagi 1,6 mingdan ortiq aliment oluvchi fuqarolarga bepul va beg'araz ravishda "Aloqabank" tomonidan 1,5 mingdan ortiq plastik kartalar ochilib, tarqatildi.

O'tgan yilning 12 oyi mobaynida bir nafar davlat ijrochisining bir oylik o'rtacha ish hajmi 126 tani tashkil qilib, Adliya vazirligidan 10.03.2011 yilda ro'yxatdan o'tgan "Davlat ijrochilarining ish hajmi" me'yoriga nisbatan 10 baravar ko'p bo'lishiga qaramasdan Byuro oldiga qo'yilgan vazifalar sidqidildan bajarib

kelinmoqda.

Tahlil etilayotgan davrda, surishtiruv va ma'muriy amaliyot sohasida ham bir qator ishlar amalga oshirilgan.

Xususan, voyaga yetmagan farzandlarini 2 oydan ortiq muddat mobaynida moddiy ta'minlashdan bo'yin tovlab kelayotgan 49 shaxslar O'zbekiston Respublikasi Ma'muriy javobgarlik to'g'risidagi kodeksning 47⁴-moddasi bilan ma'muriy javobgarlikka tortilib, 3 nafar qarzdorlarga nisbatan O'zbekiston Respublikasi Jinoyat kodeksining 122-moddasi bilan jinoyat ishlari qo'zg'atilgan.

Eng dolzarb sohaviy yo'nalishlardan biri hisoblangan jismoniy va yuridik shaxslarning murojaatlarini ko'rib chiqish masalasiga ham jiddiy e'tibor qaratilmoqda.

Qayd etilgan davrda Byuroning Baliqchi tuman bo'limiga jismoniy hamda yuridik shaxslardan jami 718 ta murojaatlar kelib tushgan.

Jami kelib tushgan murojaatlarning 691 tasi yoki 96 foizi bevosita byuroda hal etilgan.

Hal etilgan murojaatlarning 237 tasi yoki 34,2 foizi qanoatlantirilgan, 454 tasi yoki 65,7 foiz murojaatlar yuzasidan huquqiy tushuntirish berilgan.

Tahlillarga ko'ra, murojaatlarning 496 tasi 69 foizi virtual va xalq qabulxonalari, Bosh prokuratura va Byuro ishonch telefonlari orqali kelib tushganligi va mazkur murojaatlarning 431 tasi aliment undirish, 43 tasi qarz va zarar undirish, 22 tasi boshqa masalalar yuzasidan kelib tushgan.

Murojaatlarni ko'rib chiqish natijalari bo'yicha 237 nafar, shundan 11 nafar yuridik shaxslar vakillarining huquqlari tiklab berilgan.

Qanoatlantirilgan murojaatlar yuzasidan huquqlari tiklangan shaxslar foydasiga sud hujjatlari ijrosi bo'yicha 320.827 mln so'm mablag'lar undirib berilgan.

Byuroning muhim sohalaridan biri bo'lgan fuqarolarning huquqiy madaniyatini oshirish borasida bo'limda jami 182 ta targ'ibot tadbirlari o'tkazildi.

O'tkazilgan targ'ibot tadbirlarining 119 tasi og'zaki, 63 tasi ommaviy axborot vositalarini tashkil qiladi.

Ommaviy axborot vositalari orqali o'tkazilgan targ'ibot tadbirlarining 4 tasi televidenie, 45 tasi radio, 6 tasi matbuot va 8 tasi internet tarmog'i orqali chiqishlarni tashkil qiladi.

Yuqoridagilardan kelib chiqqan holda amalga oshirilgan ishlar haqida belgilangan muddatda Halq deputatlari tuman kengashiga hisobot kiritib borilishi ta'minlanadi.

Majburiy ijro byurosi Baliqchi tuman bo'limi boshlig'i D.I.Abduraxmonovning 2023 yil davomidagi faoliyati yuzasidan hisobotini eshitib, O'zbekiston Respublikasining "Mahalliy davlat hokimiyati to'g'risida"gi Qonunining 6-, 24-moddalariga asosan xalq deputatlari Baliqchi tuman Kengashi

QAROR QILADI:

1. O'zbekiston Respublikasi Bosh prokuraturasi huzuridagi Majburiy ijro byurosi Baliqchi tuman bo'limi boshlig'i D.O.Xusanovning 2023 yil davomidagi faoliyati yuzasidan hisoboti ma'lumot uchun qabul qilinsin.

2. Baliqchi tuman majburiy ijro byurosi boshlig'i (D.O.Xusanov)ga:

- O'zbekiston Respublikasi Prezidentining 2020 yil 24 noyabrdagi "Sud hujjatlari va boshqa organlar hujjatlarini ijro etish tizimini yanada takomillashtirish chora-tadbirlari to'g'risida"gi PF-6118-sonli Farmonida belgilab berilgan vazifalarni ijrosini o'z vaqtida ta'minlansin;

- aholining huquqiy savodxonligini oshirish maqsadida targ'ibot tadbirlarini olib boruvchi nodavlat va jamoat tashkilotlari mahalliy Kengashlar deputatlariga fuqarolarga qonunlarning mazmun-mahiyatini tushuntirish masalasida soha mutaxassisleri tomonidan yordam ko'rsatilishini tashkil etish;

- mavjud materiallarni chuqur taxlil qilish orqali birinchi galda oddiy fuqorolar manfaatini ta'minlashga yo'naltirilgan ijro ishlari bo'yicha natijadorlika erishish, aholining davlat qonunlarida belgilangan o'z shaxsiy huquqlarining ta'minlanishiga ishonchi ortadigan choralarni izlab topish;

- sud xujjatlarida belgilangan ijro topshiriqlarini o'z vaqtida ijrosini ta'minlash;

- majburiy ijro harakatlari jarayonida ziddiyatli va nizoli holatlarni keltirib chiqaradigan sabab va omillarni aniqlash, ularni bartaraf etish choralari ko'rish;

- sud hujjatlari va boshqa organlar hujjatlariga asosan voyaga yetmagan farzandlarning moddiy ta'minoti uchun aliment pullarini xisoblash va to'lash tartib-taomillari ustidan qat'iy nazorat o'rnatish;

- ijro hujjatlari bo'yicha aliment majburiyatlarining bajarish qarzidorlar tomonidan aliment majburiyatlarini o'z vaqtida bajarilishini ta'minlansin.

3. Xalq deputatlar tuman Kengashi deputatlariga;

- har 6 oyda xalq deputatlari tuman kengashi sessiyasida majburiy ijro byurosi tomonidan amalga oshirilgan ishlarning xisobotini eshitishni tashkil qilish va eshituvni o'tkazishda faol ishtrok etish;

- aholi bilan o'tkaziladigan uchrashuvlar jarayonida axoli tomonidan majburiy ijro byurosi faolyatiga oid ko'tarilgan savollari va muammoli masalalarini sessiyagacha yoki sessiyadagi eshituv vaqtida hal etish choralarini ko'rish;

- xalq deputatlari tuman Kengashi deputatlari bilan, tuman adliya bo'limi bilan birgalikda, axolini xuquqiy bilimlarini oshirish maqsadida mahallalar mehnat jamoalarida tashkil etiladigan targ'ibot tadbirlarini tuman majburiy ijro byurosi bilan kelishib hamkorlikda o'tkazish hamda targ'ibot tadbirlaridan samarali foydalanish kabi vazifalar yuklatilsin.

4. Mazkur qarorning bajarilishini nazorat qilish Xalq deputatlari tuman Kengashining Sud-huquq masalalari va korrupsiyaga qarshi kurashish bo'yicha doimiy komissiyasi (X.Abdullaeva) zimmasiga yuklatilsin.

**Xalq deputatlari Baliqchi
tuman Kengashi raisi**



J.Abdurayimov